

宋六十一名家詞



溪堂詞

目錄

如夢令二調	點絳脣二調	浣溪沙二調
採桑子三調	菩薩蠻二調	減字木蘭花二調
卜算子一調	謁金門一調	好事近一調
清平樂二調	醉桃源三調	武陵春二調
柳梢青一調	西江月九調	燕歸梁一調
南歌子一調	望江南二調	浪淘沙一調
鷓鴣天四調	玉樓春四調	鵲橋仙一調
虞美人三調	南鄉子一調	醉落魄一調
踏莎行一調	蝶戀花一調	臨江仙二調
七娘子一調	漁家傲一調	青玉案一調
江神子二調	千秋秋一調	壽山溪一調

溪堂詞

宋謝逸

如夢令（或刻周美成）

花落鶯啼春暮。陌上綠楊飛絮。金鴨晚香寒。人在洞房深處。無語。無語。葉上數聲疎雨。

又

門外落花流水。日暖杜鵑聲碎。蕃馬小屏風。一枕畫堂春睡。如醉。如醉。正是困人天氣。

點絳脣（或刻張子野）○碧影涵雲巘（作玉立峨峰遠）

九日登高。倚樓人在秋空半。汝江如練。碧影涵雲巘。醉看茱萸。定是明年健。清尊滿。菊花黃淺。偏入陶潛眼。

又

金氣秋分。風清露冷秋期半。涼蟾光滿。桂子飄香遠。素練寬衣。仙仗明飛觀。霓裳亂。銀橋人散。吹徹昭華管。

浣溪沙

樓閣簾垂乳燕飛。圓荷細細點清溪。薰風破悶晚涼時。玉軫琴邊蘭思遠。霜紈扇裏翠眉低。柔藍衫子鬧峯兒。

又

暖日溫風破淺寒。短青無數簇幽蘭。三年春在病中看。中酒心情長似夢。探花時候不曾開。故園芳信隔秦關。

採桑子

楚山削玉雲中碧。影落沙汀。秋水澄凝。一抹江天雁字橫。金錢滿地西風急。紅蓼煙輕。簾外砧聲。驚起青樓夢不成。

又

冰霜林裏爭先發。獨壓羣花。風送清笳。更引輕相淡淡遮。抱牆溪水彎環碧。月色清華。疎影橫斜。恰似林逋處士家。

又

冷猿寒雁淮南遠。風裊青帘。飛雪廉纖。莫道空中是撒鹽。到時乳鵲喧梧影。曉捲疎簾。彩服巡簷。索共梅花笑語添。

菩薩蠻

暄風遲日春光鬧。蒲萄水綠搖輕棹。兩岸草煙低。青山啼子規。歸來愁未寢。黛淺眉痕沁。花影轉廊腰。紅添酒面潮。

又

穀紋波面浮瀾鴻。蒲芽出水參差碧。滿院落梅香。柳梢初弄黃。衣輕紅袖皺。春困花枝瘦。睡起玉釵橫。隔簾聞曉鶯。

減字木蘭花（七夕）

荷花風細。乞巧樓中涼似水。天幕低垂。新月彎環淺暈眉。橋橫烏鵲。不負年年雲外約。殘漏疎鐘。腸斷朝霞一縷紅。

又

疎疎密密簷。葡萄林中飛六出。妬舞欺梅。悠颺隨風去卻回。遙岑玉列。不見雲中浮寸碧。夜色清妍。庭下交光月午天。

卜算子

煙雨暮橫塘。紺色涵清淺。誰把并州快剪刀。翦取吳江半。隱几岸烏巾。細葛含風軟。不見柴桑避俗翁。心共孤雲遠。

謁金門

簾外雨。洗盡楚鄉殘暑。白露影邊霞一縷。紺碧江天暮。沈水煙橫香霧。茗碗淺浮瓊乳。臥聽鷓鴣啼竹塢。竹風青院宇。

好事近

疎雨洗煙波。雨過滿江秋色。風起白鷗零亂。破嵐光深碧。
荻花楓葉只供愁。清吟寫岑寂。吟罷倚闌無語。聽一聲羌笛。

清平樂

曉風殘角。月裏梅花落。宿雨醒時滋味惡。翠被輕寒漠漠。
夢回一點相思。遠山暗蹙雙眉。不覺肌膚瘦玉。但知帶減腰圍。

又（春情）

花邊柳際。已漸知春意。歸信不知何日是。舊恨欲拚無計。
故人零落西東。題詩待倩歸鴻。惟有多情芳草。年年處處相逢。

醉桃源

花枝破蕾柳梢青。春寒拂面輕。一眉新月影三星。銅荷燭燼零。
低鳳扇。裊霓旌。珊珊環珮聲。坐間誰識許飛瓊。對郎仙骨清。

又

風飄萬點落花飛。殘紅枝上稀。平蕪葉上淡煙迷。那堪春鳥啼。
風細細。日遲遲。輕紗疊雪衣。多情多病懶追隨。玉人應恨伊。

又(雪)

晨光曉色掃簷晶。寒口蝶夢驚。亂飄鴛瓦細無聲。遊颺柳絲輕。
書幌冷。竹窗明。柴門只獨扃。
一尊濁酒爲誰傾。梅花相對清。

武陵春(茶)

畫燭籠紗紅影亂。門外紫騮嘶。分破雲團月影虧。雪浪皺清漪。
養兩袖清風拂袖飛。歸去酒醒時。捧盃纖纖春筍瘦。乳霧泛冰

又(送任民望歸豐城)

拍岸蒲萄江水碧。柳帶挽歸艎。破悶琴風繞袖涼。澹煙疎雨隨宜好。何處不瀟
湘。願作雙飛老鳳凰。莫學野鴛鴦。

柳梢青(離別○時刻不載)

香肩輕拍。尊前忍聽。一聲將息。昨夜濃歡。今朝別酒。明日行客。
後回來則須來。便去也如何。去得無限離情。無窮江水。無邊山色。

西江月

落寞寒香滿院。扶疎清影侵門。雪消平野晚煙昏。睡起懶勻檀粉。
皎皎風前玉樹。盈盈月下冰魂。南枝春信夜來溫。便覺肌膚瘦損。

又

花額上堆翠葆。遠山橫處星眸。絳宮深鎖暮雲浮。月破黃昏時候。誰謂霞衣玉簡，便孤彩鳳。秦樓桃源不禁昔人遊。曾是劉郎邂逅。

又（陳倅席上）

窄袖淺籠溫玉。修眉淡掃遙岑。行時雲霧繞衣襟。步步蓮生宮錦。菊與秋煙共晚。酒隨人意。俱深尊前有客動琴心。醉後清狂不禁。

又（爭）

寶柱橫雲雁影。朱絃隔葉鶯聲。風生玉指曉寒清。官樣輕黃袖冷。深情歸來江上。數峯青。梅小橫斜夜永。飲罷尙留餘意。曲終自有

又（代人上許守生日）

滴滴金盤露冷。蕭蕭玉宇風清。長庚入夢曉窗明。淡月微雲耿耿。松竹五峯秋色。笙歌三市。歡聲華堂開宴擁娉婷。天上人間共慶。

又（送朱泚英）

青錦纏枝佩劍。紫絲絡轡飛馳。入關意氣喜生風。年少胸吞雲夢。香紅爭看荀氏第三龍。春暖桃花浪湧。金闕日高露泣。東華塵輭。

又（木芙蓉）

曉豔最便清露。晚紅偏怯斜陽。移根栽近菊花旁。蜀錦翻成新樣。
瓊章從今故事記溪堂。歲歲攜壺共賞。坐客聯揮玉麈。歌詞細琢

又

木末誰攀新萼。雪消自種前庭。莫嫌開過尙盈盈。似待詩人醉咏。
娉婷影搖溪水一灣清。妝罷曉臨鸞鏡。霜後最添妍麗。風中更覺

又

密雪未知膚白。夜寒已覺香清。振芳堂下月盈庭。踏碎橫斜疎影。
清聲東君催促子青青。滋味要調金鼎。且醉杯中綠蟻。休辭笛裏

燕歸梁

六曲闌干翠幕垂。香爐冷金猊。日高花外轉黃鸝。春睡覺。酒醒時。
杳無期。東風只送柳綿飛。全不管。寄相思。草青南浦。雲橫西塞。錦字

南歌子（春夜）

雨洗溪光淨。風掀柳帶斜。畫樓朱戶玉人家。簾外一眉新月。浸梨花。
紗。鳳盤宮錦小屏遮。夜靜寒生春筍。理琵琶。金鴨香凝袖。銅荷燭映

望江南

臨川好。柳岸轉平沙。門外澄江丞相宅。壇前喬木列仙家。春到滿城花。
行樂處。舞袖捲輕紗。漫摘青梅嘗美酒。旋煎白雪試新茶。明月上簷牙。

又

臨川好。山影碧波搖。魚躍冰池飛玉尺。雲橫石嶺拂蛟鱗。高樹竹蕭蕭。
寒食近。湖水綠平橋。繁杏梢頭張錦旆。垂楊陰裏繫蘭橈。遊客解金貂。

浪淘沙（上元）

料峭小桃風。凝淡春容。寶燈山列半天中。麗服靚妝攜手處。笑語匆匆。
酒滴小槽紅。一飲千鍾。銅荷擎燭絳紗籠。歸去笙歌喧院落。月照簾櫳。

鷓鴣天

桐葉成陰拂畫簷。清風涼處捲疎簾。紅綃舞袖縈腰柳。碧玉睂峯媚臉蓮。
愁滿眼。水連天。香箋小字倩誰傳。梅黃楚岸垂垂雨。草碧吳江淡淡煙。

又

金節平分院落涼。黃昏簾幕捲西廂。冰輪碾破鄰鄰碧。玉斧修成練練光。
低照戶。巧侵牀。錦袍起舞謫仙狂。鵲飛影裏觥籌亂。桂子風前笑語香。

又

紅暈香腮粉未勻。梳妝閒淡穩精神。誰知碧嶂清溪畔。也有姚家一朵春。眉黛淺。爲誰顰。莫將心事付朝雲。坐中有客腸應斷。忘了酴醾架下人。

又

水闊天低雁字橫。小春時節晚寒清。梅梢月上紛紛白。竹塢風來冉冉輕。人似玉。酒如澀。入關意氣喜風生。坐中有客聯鑣去。誰唱陽關第四聲。

玉樓春(寒食)

弄晴數點梨梢雨。門外畫橋寒食路。杜鵑飛破草間煙。蛺蝶惹殘花底霧。東君著意憐樊素。一段韶華天付與。妝成不管露桃嗔。舞罷從教風柳妬。

又(王守生日)

橫塘暈淺琉璃瑩。綠葉陰濃庭院靜。櫻桃熟後麥秋涼。芍藥開時槐夏永。蓬萊閣下紅塵境。青羽扇底搖鳳影。庭前玉樹一枝春。香霧和煙新月冷。

又

個中懷抱誰排遣。惻惻輕寒風翦翦。細香梅蕊晚香濃。爭似柳梢春色淺。嬌吀道字歌聲軟。醉後微渦回笑靨。更無卓氏白頭吟。只有盧郎年少恨。

又（王守生日）

青錢點水圓荷綠。解籜新篁森嫩玉。輕風冉冉揀花香。小雨絲絲梅子熟。華堂燭燼零金粟。人在洞天三十六。昭華吹徹篴聲寒。聲入壽觴紅浪蹙。

鵲橋仙

蝶飛煙草。鶯啼雲樹。滿院垂楊陰綠。輕風飄散杏梢紅。更吹皺池波如縠。珠簾日晚。銀屏人散。樓上醉橫霜竹。一春若道不相思。緣底事紅綃褪玉。

虞美人

碧梧翠竹交加影。角簾紗幮冷。疎雲淡月媚橫塘。一陣荷花風起隔簾香。雁橫天末無消息。水闊吳山碧。刺桐花上蝶翩翩。唯有夜深清夢到郎邊。

又

角聲吹散梅梢雪。疎影黃昏月。落英點點拂闌干。風送清香滿院作輕寒。花簫羯鼓催行酒。紅袖摻摻手。曲聲未徹寶杯空。飲罷香熏翠被錦屏中。

又

風前玉樹瑤金韻。碧落佳期近。疎雲影裏鵲橋低。簷外一彎新月印修眉。星河漸曉銅壺噎。又是經年別。此情莫與玉人知。引起舊家離恨淚珠垂。

南鄉子（美人）

淺色染春衣。衣上雙雙小雁飛。袖捲藕絲寒玉瘦。彈棋。贏得尊前酒一卮。冰雪拂臙脂。絳蠟香融落日西。唱徹陽關人欲去。依依。醉眼橫波翠黛低。

醉落魄

霜砌聲急。瀟瀟疎雨梧桐溼。無言獨倚闌干立。簾捲黃昏。一陣西風入。年時畫閣佳賓集。玉人檀板當筵執。銀瓶已斷絲繩汲。莫話前歡。忍對屏山泣。

踏莎行（春思）

柳絮風輕。梨花雨細。春陰院落簾垂地。碧溪影裏小橋橫。青帘市上孤煙起。鏡約關情。琴心破睡。輕寒漠漠侵鴛被。酒醒霞散臉邊紅。夢回山蹙眉間翠。

蝶戀花（春景○草堂作鳳樓格）

豆蔻梢頭春色淺。新試紗衣。拂袖東風軟。紅日三竿簾幕捲。畫樓影裏雙飛燕。攏鬢步搖青玉碾。缺樣花枝。葉葉蜂兒顫。獨倚闌干凝望遠。一川煙草平如翦。

臨江仙（重九）

木落江寒秋色晚。颼颼吹帽風清。丹楓樓外搗衣聲。登高懷遠。山影雁邊橫。露染宮黃庭菊淺。茱萸煙拂紅輕。尊前誰整醉冠傾。酒香熏臉。落日斷霞明。

又

玉樹臨風竇欲散。黃昏約馬嘶庭。幽歡未盡有餘清。瓊糜方一啜。銀燭已雙擎。坐久香津生齒頰。何須五斗消醒。豔歌聲裏醉魂醒。明年思此會。於旆想登瀛。

七娘子

風翦冰花飛零亂。映梅梢素影搖清淺。繡幄寒輕。蘭熏燂暖。豔歌催得金荷捲。游梁已覺相如倦。憶去年舟渡淮南岸。別後銷魂。冷猿寒雁。角聲只送黃昏怨。

漁家傲（漁父）

秋水無痕清見底。蓼花汀上西風起。一葉小舟煙霧裏。蘭棹艤。柳條帶雨穿雙鯉。自嘆直鉤無處使。笛聲吹徹雲山翠。鱸落霜刀紅縷細。新酒美。醉來獨枕莎衣睡。

青玉案

蘆花飄雪迷洲渚。送秋水連天去。一葉小舟橫別浦。數聲鴻雁。兩行鷗鷺。天淡瀟湘暮。蓬窗醉夢驚簫鼓。回首青樓在何處。柳岸風輕吹殘暑。菊開青蕊。葉飛紅樹。江上瀟瀟雨。

江神子（別情）

一江秋水碧灣灣。繞青山。玉連環。簾幕低垂。人在畫圖間。閒抱琵琶尋舊曲。彈未了。意闌珊。飛鴻數點拂雲端。倚闌看。楚天寒。擬倩東風。吹夢到長安。恰似梨花春帶雨。愁滿眼。淚闌干。

又（春思）

杏花村館酒旗風。水溶溶。颺殘紅。野渡舟橫。楊柳綠陰濃。望斷江南山色遠。人不見。草連空。夕陽樓外晚煙籠。粉香融。淡眉峯。記得年時。相見畫屏中。只有關山今夜月。千里外。素光同。

千秋歲（夏景）

揀花飄砌。蔌蔌清香細。梅雨過。蘋風起。情隨湘水遠。夢繞吳峯翠。琴書倦。鷓鴣喚起南窗睡。密意無人寄。幽恨憑誰洗。修竹畔。疎簾裏。歌餘塵拂扇。舞罷風掀袂。人散後。一鉤淡月天如水。

驀山溪（月夜）

霜清木落。深院簾櫳靜。池面捲煙波。瑩香水。一匳明鏡。修筠拂檻。疎翠挽嬋娟。山霧斂。水雲收。野闊江天迴。紅消醉玉。酒面風前醒。羅幕護輕寒。錦屏空。金爐燼冷。星橫參昴。梅徑月黃昏。清夢覺。淺眉顰。窗外橫斜影。

宋六十名家詞

一四

漢堂詞終

溪堂詞跋

時本溪堂詞卷首蝶戀花以迄禪尾望江南共六十有三闋皆小令輕情可人中間字句舛繆無從攷索既獲溪堂全集末載樂府一卷今依其章次就梓近來吳門抄本多花心動一闋其詞云風裏楊花輕薄性銀燭高烧心熱香餌懸鉤魚不輕吞辜負釣兒虛設桑蠶到老絲長絆針刺眼淚流成血思量起拈枝花朵果兒難結海樣情深忍撇似夢裏相逢不勝歡悅出水雙蓮摘取一枝可惜並頭分拆猛期月滿會姮娥誰知是初生新月折翼鳥甚是於飛時節疑是臆筆不敢溷入附記以俟識者湖南毛晉識